

boelre cruden myt rijcliken goede
 boelre ghenoechliker dinghen **D**u
 verblideste o soete moeder in wal-
 lusten blenckende van luttere gol-
 de. du oueruloepste in rijcherde myt
 ten alre meesten schatte **O** mynli-
 ke dochter van syon du biste verciert
 myt allen costeliken ghewade bo-
 uen golt en siluer **D**u biste een
 moeder der bekeerder sondare. du
 biste myt allen doechden verciert
 bouen alle choren der enghelen **D**u
 biste ghedede mytten lichte der so-
 nen toegheuoeghet messye dat is
Jesu chro. blenckeste in die hoedheit
 der neghen choren der enghelen.

Inden stoelen des hoghen throes
 myt enen onsterfliken dede ghede-
 det tredestu die mane onder die voe-
 te als ons apocalypsis tughet **D**u
 blenckeste myt wonderlike cricht
 toemighine der magheden. myt